

**BREŠA** Suđenje Hanefiji Prijiću dovodi BiH u nepovoljan položaj

# Zašto Italija ne priznaje pravosuđe naše države!?

Ovo je problem vlasti države BiH, jer se ovo može dogoditi bilo kojem našem građaninu, kaže advokat Dautbegović

Suđenje Hanefiji Prijiću Paragi, ratnom komandantu 3. bataljona 317. brigade Armije RBiH, koje će 15. decembra biti nastavljeno na sudu u Breši, iako je u BiH odležao više od 13 i po godina zatvora zbog komandne odgovornosti za smrt italijanskih humanitaraca kod Gornjeg Vakufa, moglo bi u vrlo nepovoljan položaj staviti državu BiH, jer Italija, praktično, ne priznaje bh. presude i naše pravosuđe smatra nekompetentnim!

## Tri prigovora

Takav rasplet mogao bi dovesti u pitanje i druge presude naše zemlje.

Prijićev advokat Almin Dautbegović izjavio je za "Avaz" da je, zajedno s italijanskim kolegom, sudu u Breši uložio tri prigovora, počevši od činjenice da se Prijiću sudi za nešto za šta je već osuđen te da je u toku postupak pred Evropskim sudom za ljudska prava, koji se bavi upravo tom



**DAUTBEGOVIĆ:**  
Izostala  
reakcija  
države

## Prijić u Italiji: Prijeti mu doživotni zatvor

nevjerovatnom činjenicom.

Također, italijanski ministar pravde bio je dužan podnijeti zahtjev da se Prijiću ponovo sudi, ali to nije učinio. Ovo je, kaže Dautbegović, zamalo izazvalo skandal u Itali-

ji, ali nadležni sudija odbio je prigovore.

- Ovo nije priča o Hanefiji. Ovaj predmet veći je od njega. Ovo je problem vlasti države BiH, jer se ovo može dogoditi bilo kojem našem građaninu. Ministar vanjskih poslova Igor Crnadak nije uputio protestnu notu Italiji zbog ovog slučaja, a nije se oglasilo ni Predsjedništvo BiH. Ne priznaju se presude suda u BiH. Imamo potpuno neuređene odnose s Italijom. Nova presuda otvorit će mogućnost revizije raznih presuda. Zamis-

lite da u Srbiji ponovo otvore neke predmete - kaže Dautbegović.

## Potpuna istina

Iako je već odležao kaznu, Prijić bi se u Italiji mogao suočiti s doživotnom robijom. Toga se, kaže Dautbegović, ne boji, ali mu je žao da se u tom slučaju potpuna istina neće saznati. Suđenje Prijiću moglo bi se voditi po skraćenoj proceduri, na osnovu utvrđenih činjenica, ili iz početka, o čemu će se advokati, također, izjasniti. **F. V.**

## Nema novca za odbranu

Advokat se pita kako s oskudnim sredstvima osigurati potpunu odbranu Prijiću. Porodica ga nije mogla posjetiti u pritvoru, jer nema novca, a i oni koji

su mu pomagali iscrpili su svoje mogućnosti. Porodica Prijić ogorčena je zbog ovakvog odnosa države prema čovjeku koji je i odlikovan u borbi za nju.